

咸寧縣志

一
函
八
冊
函

咸寧縣志卷十九

列傳中

唐

杜如晦字克明杜陵人祖杲有名周隋間如晦少負大節臨機輒斷隋大業中預吏部選侍郎高孝基異之曰君當爲棟梁用願保令德高祖平京師秦王引爲府兵曹叅軍徙陝州總管府長史表留幕府從征伐常叅帷幄機秘進陝東道大行臺司勳郎中封建平縣男兼文學館學士王爲皇太子遷兵部尚書進封蔡國公俄檢校侍中攝吏部尚書進位尚書右僕射仍領選與房元齡共筦朝政引賢者下不肖久之以疾辭職詔皇太子就問帝親至其家撫之梗塞薨年四十六贈開府儀同三司及葬加司空謚曰成時天下新定如晦長於斷而元齡善謀兩人深

相知故能同心濟謀以佐佑帝當世語良相必曰房杜云子構

慈州刺史次子荷尚城陽公主官至尚乘奉御襄陽郡公

唐書本傳

杜楚客如晦弟少尚奇節與叔父淹皆没于王世充淹與如晦有

隙讚其兄殺之並囚楚客世充平淹當誅楚客請於如晦不許

楚客曰叔殘兄今又棄叔門內幾盡豈不痛哉如晦感悟得釋

建成難作楚客遁嵩山貞觀四年召爲給事中擢中郎將進蒲

州刺史政有能名後爲魏王府長史遷工部尚書攝府事以威

肅聞王貶爵廢於家終虔化令

唐書杜如晦傳

按舊唐書如晦高祖皎周贈開府儀同大將軍遂州刺史曾

祖徽周河內太守祖杲周溫州刺史入隋工部尚書義興公

周書有傳父咤隋昌州長史宰相世系表秀二子果皎皎生

徽徽生吒淹互異

元穎如晦五世孫貞元末及進士第又擢左詞爲翰林學士遷司
勳員外郎知制誥拜中書舍人戶部侍郎學士承旨以本官同
中書門下平章事建安縣男出爲劍南西川節度使同平章事
貶郢州刺史斥爲循州司馬死貶所弟元絳終太子賓客元絳
子審權

杜審權字殷衡

如晦五世孫元絳子

第進士舉拔萃宣宗時入翰林爲學士

遷兵部侍郎學士承旨懿宗立進同中書門下平章事再遷門
下侍郎出爲鎮海軍節度使破龐勳徐州進檢校司空入爲尚
書左僕射襄陽郡公領河中忠武節度使卒贈太子太師謚曰
德審權清重寡言性長厚居翰林最久終不漏禁近語在方鎮
視事有常處非日入未始就內寢坐必斂衽常若對大賓客或
晝日少息則顧將直解簾卽旁無人自起徹鉤手擁簾徐下乃

退與杜棕俱位將相棕先進故世謂審權爲小杜公子讓能

唐書

杜如晦傳

杜讓能

審權子

字羣懿進士第爲集賢校理喪母以孝聞進兵部員

外郎判度支按僖宗狩蜀奔謁行在遷中書舍人翰林學士凡號令行下處事值機無遺算帝倚重從還京師遷兵部尚書建平縣子李克用兵至帝夜出鳳翔蒼黃無知者讓能徒步從十餘里得遺馬褫紳爲勒乘之朱玫兵逼乘輿帝走寶雞獨讓能從俄而狩梁時棧道毀間關險澁未嘗暫去帝側帝次褒中擢兵部侍郎同中書門下平章事京師平進中書侍郎徙封襄陽郡公官吏多汙僞署有司皆欲論死讓能以脅從不足深治多所全貸昭宗立進尚書左僕射晉國公賜鐵券累進太尉李茂貞守鳳翔兵彊不奉法欲兼有梁漢山南平詔茂貞領興元武

定而以徐彥若爲鳳翔節度茂貞怨不赴鎮上章語悖慢又詔書詆責讓能帝怒詔讓能計議且趣調發宰相崔昭緯陰結茂貞讓能所言悉漏之景德二年以嗣覃王爲招討使率師三萬送彥若赴鎮昭緯密語茂貞曰上不喜兵一出太尉茂貞悉兵迎戰乘勝至三橋讓能曰臣請歸死以紓難帝涕下不能已茂貞請必殺之乃賜死弟彥御史中丞宏徽戶部侍郎皆及誅帝痛之後贈太師子光又次子曉不復仕曉入梁貴顯于世

唐書杜如晦傳

杜黃裳字遵素萬年人擢進士第郭子儀辟佐朔方府入朝使主留事李懷光陰謀矯詔誅大將等以動衆心欲代子儀黃裳判其非以質懷光懷光伏罪諸難制者黃裳皆以子儀令易置衆不敢亂入爲侍御史爲裴元齡所惡十期不遷貞元末遷太常

卿壻韋執誼輔政黃裳勸請皇太子監國執誼曰公始得一官
遽開口議禁中事黃裳怒拂衣出皇太子總軍國事擢黃裳同
中書門下平章事夏綏銀節度使韓全義儉佞無功奏罷之劉
闢叛議者以闢險遠討之或生事惟黃裳固勸不赦又奏罷中
人監軍而專委高崇文凡兵進退黃裳自中指授無不切於機
蜀平羣臣賀憲宗曰黃裳曰時卿之功後與憲宗語及方鎮除
授始德宗姑息藩鎮晏年尤甚黃裳言陛下宜鑒貞元之弊整
法度股損諸侯則天下治帝嘗問前古所以治亂黃裳言王者
之道在修己任賢操執綱領帝嘉納之由是平夏翦齊滅蔡復
兩河赫然號中興自黃裳啟之元和二年以檢校司空爲河中
節度使封邠國公卒贈司徒謚曰宣獻黃裳權變有王佐大略
子載終太僕少卿載弟勝字斌卿寶歷初擢進士第拜給事中

遷戶部侍郎判度支出爲天平節度使

唐書本傳

杜希望佑父萬年人重然諾所交遊皆一時俊傑爲安陸令都督宋慶禮表其異政開元中交河公主嫁突騎施詔希望爲和親判官署靈州別駕關內道度支判官自代州都督召還京師對邊事元宗才之屬吐蕃攻勃律勃律乞歸李林甫方領隴西節度拜希望鄯州都督知留後馳傳度隴破烏莽衆斬千餘級進拔新城擢鴻臚卿置鎮西軍希望引師部分塞下吐蕃懼遺書求和希望報曰受和非臣下所得專虜悉衆爭檀泉希望大小戰數十俘其大酋至莫門焚積蓄卒城而還時軍屢興府庫虛寡希望居數歲芻粟金帛豐餘希望愛重文學門下所引如崔顥等皆名重當時

唐書杜佑傳

杜佑字君卿萬年人以廕補濟南叅軍剡縣丞嘗過潤州刺史韋

元甫有疑獄不決試訊佑佑爲辨處契要無不盡元甫奇之署
司法參軍入爲工部郎中楊炎輔政改度支兼和糴使於是軍
興餽漕佑得剗決以戶部侍郎判度支俄遷嶺南節度使開大
衢疏析廛閭以息火災朱厓黎氏三世保險不賓佑討平之召
拜尚書右丞俄出爲淮南節度使決雷陂以廣灌溉斥海瀕棄
地爲田積米五十萬斛列營三十區士馬整飭四鄰畏之拜檢
校司空同平章事德宗崩詔攝冢宰進檢校司徒兼度支鹽鐵
使始度支嗇用度多署吏權攝百司繁而不綱佑以營繕還將
作木炭歸司農凍染還少府職務簡修明年拜司徒封岐國公
致仕卒謚曰安簡佑嗜學雖貴猶夜分讀書先是劉秩侔周六
官注爲政典三十五篇佑廣其闕叅益新禮爲二百篇自號通
典奏之儒者服其書約而詳朱坡樊川治亭觀與賓客置酒爲

樂于式方從仰式方事具孝友傳本傳

書

杜悰字兆萬年人信子式方第三子以蔭三遷太子司議郎元祐九年遷尚岐陽公主岐陽憲宗長女郭妃所生於時上重學士令宰相文雅之士可居清列者悰與焉累授忠武軍節度使開成初入爲工部尚書判度支屬岐陽公主薨久而未謝文宗怪之戶部侍郎李玘對曰近日駙馬爲主服斬衰三年士族之家不願爲國戚者半爲此也乃詔行杖永爲通制會昌中拜中書侍郎同中書門下平章事大中初出鎮西川俄復入相加司徒太傅鄧國公舊唐書悰通貴日久有術士李某悰之厚杜佑傳悰任西川節度使馬植罷黔中赴闕至西川術士一見於悰曰相公將有禍非馬中丞不能救悰驚信發日厚幣贈之仍爲植於都下買宅生計無闕植感悰不知其旨俄而作相懿安皇

太后崩悰懿安子壻也忽一日內榜子檢責宰相元載故事植
喻旨翼日上前萬端營救其事遂寢杜何悰之子也仕蜀無他
才止以貴公子享俸祿耻其官卑詣執政陳啟自她門問執政
慙而慰之

東觀
奏記

杜悰悰弟咸通中爲泗州刺史會龐勳反圍城處士辛讜勸悰出
家屬獨以身守悰曰吾出百口求生衆心搖矣不如與將士死
生共之悰完濬城墜閉器械賊將李圓易悰馳勇士百人欲入
封府庫悰迎勞賊不虞悰之謀明日伏甲士三百宴毬場賊皆
殲焉圓怒傳城戰悰殺數百人圓退未幾賊淮口晝夜戰不息
悰使人間道走京師詔戴可師以沙陀吐谷兵二萬招討淮南
節度使令狐綯遣牙將李湘屯淮口爲圓所敗湘等並沒於淮
援絕賊乃以鐵鎖絕淮流梯衝乘城懿宗遣使加悰檢校右散

騎常侍勉以堅守勲遣圓入城見恠約降恠怒殺之勲累攻不
得志會招討使馬舉率兵至遂解去圍凡十月恠相循士卒皆
殊死戰卒完一州賊平遷義成軍節度使檢校兵部尚書卒

杜佑傳

杜亞字次公京兆人肅宗在靈武上書論當世事擢校書郎再遷
諫議大夫遷給事中常袞惡之出爲江西觀察使德宗立詔遷
亞意必任台宰倍道進與人語皆天下大政或以事相調相
然可帝知不悅罷爲陝虢觀察使元興初拜淮西節度使則
治漕渠引湖陂築防庸入之渠中以通大舟夾隄田因得漚灌
人皆悅賴然雅意丞弼厭外官往往不親事日夜召賓客言噉
流連府財耗竭貞元中罷歸以檢校吏部尚書留守東都病風
痺且廢猶欲固寵奏墾苑中爲營田可減度支歲稟詔許之先

是苑地可耕者皆留司中人及屯士占假亞計窘更舉軍帑錢
與甸人至秋取菽粟償息輸軍中貧不能償者發囷畧盡流亡
過半又賂中人求兼河南尹帝審其妄賜還卒

唐書
本傳

按唐書世系表杜氏有京兆襄陽洹水濮陽之別其先皆出
自祁姓帝堯裔孫劉累之後在周爲唐杜氏成王封唐氏子
孫於杜城京兆杜陵縣是也杜伯子孫居杜城者爲杜氏胙
土命氏百世宗之雖屢徙貫猶稱杜陵唐世宰相十一人非
萬年者不具錄

韋雲起萬年人隋開皇中以明經補符璽直長大業初收謁者契
丹寇營州詔雲起護突厥兵討之破民可汗以二萬騎受節度
雲起離爲二十屯旣入境使突厥給契丹引而南過賊營百里
夜還陣掩擊之獲契丹男女四萬拜治書御史高祖入關授司

農卿陽城縣公武德初進上開府儀同三司判農圃監突厥
寇詔總幽寧以北九州兵禦之得一切便宜收益州行臺兵部
尚書時僕射竇軌奏生獠反冀得集兵以威衆雲起數持掣由
是始隙雲起弟事隱太子太子死軌疑雲起有變陰設備遂殺
之孫方質光宅初爲地官尚書嘗屬疾武承嗣兄弟往候方質
據牀自若或曰倨見權貴且速禍答曰吉凶命也丈夫豈能折
節近戚以苟免耶俄爲酷吏所陷流死儋州神龍初復爵唐書本傳
韋仁壽萬年人隋大業末爲蜀郡司法書佐高祖入關擢雋州都
督府長史南寧州納款朝廷歲遣使撫接至率貪沓邊人苦之
多叛去帝素聞仁壽治理詔檢校南寧州都督寄治越雋仁壽
將兵循西洱河開地數千里置七州十五縣酋豪皆來賓見卽
授以牧宰咸令簡嚴人人安悅將還酋長泣曰天子藉公鎮撫

奈何欲去我仁壽曰吾奉詔撫循庸敢擅留夷夏父老悲啼祖
行遣子弟隨貢方物天子大悅仁壽請徙治南寧州假兵撫定
詔可勅益州給兵護送刺史竇軌疾其功誅言山獠方叛未可
遠略不時遣歲餘卒

唐書循吏傳

韋宏機萬年人祖元禮隋浙州刺史宏機貞觀時爲左千牛胄曹
參軍使西突厥會石國叛道梗三年不得歸裂裾錄所過諸國
風俗物產爲西征記還上其書帝大悅擢朝散大夫遷殿中監
顯慶中爲檀州刺史以邊人陋僻不知文儒貴乃修學宮畫孔
子七十二子漢晉名儒像自爲贊致勸生徒繇是大化契苾何
力討高麗灤水暴漲師留三日宏機輸給資糧軍無饑高宗善
之擢司農少卿主東都營田苑官者犯法杖乃奏帝嗟賞以絹
五十匹遷司農卿太子宏機治陵知明而辨帝言兩

西宅因隋宮室日仆不完朕將改作奈財用何安機言臣任司
農十年省惜常費積三十萬緡以治宮室不勞而成詔兼將作
少府督營繕初作宿羽高山等宮徙洛中橋於長夏門廢利涉
橋人便之坐家人犯盜免官永淳中帝幸東都召檢校園苑終
司農少卿孫岳子景駿

岳子武后時爲汝州司馬以辨治稱授尚舍奉御出爲太原令固

辭忤旨下遷宋州長史歷廬海等州刺史皆著風迹恩嚴兩施

睿宗立召爲殿中少監爲姜皎所劾貶渠州別駕起授陝州刺

史卒孫臯

並唐章
左機傳

景駿宏機孫中明經神龍中歷肥鄉令縣北瀕漳連年泛溢景駿
因高築鄣隄北爲腴田又維艚以梁其上而廢長橋功少費約
後遂爲法方河北饑躬巡閭里勸人通有無教導撫循民免流

散後爲貴鄉令有母子相訟者景駿曰令少不天常自痛爾幸有親而忘孝耶教之不孚令之罪也因嗚咽流涕授孝經使習大義於是母子感悟後爲趙州長史道出肥鄉民皆奉酒食迎犒有小兒亦在其中景駿曰兒未生而吾去邑非有舊恩何故來對曰耆老言學廬館舍橋郭皆公所治意公爲古人今幸親見所以來景駿爲留終日後遷房州刺史爲諸生開貢舉通監道作傳舍罷祠房無名者轉奉天令未行卒

唐書循吏傳

按韋宏機舊書良吏傳作韋機韋述傳作宏機父恪洛州別駕子餘慶右驍衛兵曹早卒餘慶子岳岳子景駿是景駿爲岳之子於宏機爲曾孫非宏機之孫一爲岳子一爲景駿也然據舊書岳仕始則天時開元中卒景駿神龍中已轉肥鄉令猶自謂少孤卒於開元二十年是岳子景駿齒正相若